

դատ արքայի և Հռիփսիմէ կոյսի պատկերներով խաչալամը «բարձրեալ կայր ի ծայրս ձողոյ և խաչ ոսկի կառուցեալ ի գլուխս նորայ» Վանայ բէկը ցանկացաւ տեսնել այդ թափօրն և Ս. Աջը: Երբ որ Վանայ վերին գոնով թափօրը բերդ մտաւ, «ընդ առաջ ել գոռոզն Մահմուտ բէկ ամենայն մեծամեծօք իւրովք, տամբ և ամենայն ընտանեօքն, և երկրրպագութիւն մատուցանէին Սրբոյ Աջոյն և համբուրէին և զաղերս պատարագաց նուիրէին, և մեծարեալ խիլայեաց զհայրապետն և դարձոյց յօթնվանս իւր,» Գաւառի ժողովուրդն, այս տեսնելով, ամէն օր գալիս էին Ս. Աջին երկրպագութիւն մատուցանում և հայրապետին ողջունում ընծաներով և պատարագներով: Երբ որ Վանից մեկնեցաւ կաթուղիկոսն և գնաց Ոստան, նորա յետեւից և առջևից գնում էին մինչև հազար մարդ. և նոցա բոլորի առջևից համարձակ տարւում էր Հայոց խաչալամը, «ուռնելով զգլուխն զխաչ ոսկեփայլեալ լուսոյ նման,» Ոստանի այլազգի բնակիչներն, Հայոց այդ ուրախութիւնը տեսնելով, «ի խոր խոցեցան ընդ պայծառութիւն և համարձակութիւն հայրապետին, որ ի գաւառէն Տարբերունոյ մինչ ի քաղաքն Ոստան խաչալամով էր եկեալ՝ եպիսկոպոսօք և վարդապետօք և բազում կարգաւորօք և ժողովրդովք,» ժողովուրդեցան նոքա քրորդ պարոնի մօտ և դաւադրութիւն կազմեցին Չաքարիայի դէմ: Արթուն